

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N 25

ქალაქი ბათუმი

15 თებერვალი 2019 წელი

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის მოვალეობის შემსრულებლის ბაგრატ მანველიძის სახით და მეორე მხრივ, შპს „წიგნის სამყარო“ (შემდგომში „მიმწოდებელი“), წარმოდგენილი დირექტორის ირაკლი სებისკვერაძის სახით, „სახელმწიფო შესყიდვების შესახებ“ საქართველოს კანონის და მიმწოდებლის მიერ წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N NAT190001392) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია მიმწოდებლის მიერ ქვეპროგრამა „საჯარო სკოლების მატერიალური ბაზის გაუმჯობესება“ ფარგლებში საბიბლიოთეკო წიგნების მოწოდება დანართი N1-ის შესაბამისად. (CPV-22113000). (შემდგომში - შესყიდვის ობიექტი და/ან მომსახურება)
- 2.2. შესყიდვის ობიექტის დასახელება, რაოდენობა, ფასები და სხვა დეტალური აღწერა მოცემულია დანართი N1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 2.3. მოწოდებული წიგნების მდგომარეობა უნდა იყოს ახალი და ვიზუალური მხარე დამაკმაყოფილებელი. იმ შემთხვევაში, თუ მოწოდებული საქონელი არ შეესაბამება თუნდაც ნაწილობრივ ზემოაღნიშნულ მოთხოვნას, შემსყიდველი უფლებამოსილია არ მიიღოს ასეთი საქონელი, რაზედაც მიმწოდებელს პრეტენზია არ ექნება.

3. ხელშეკრულების ღირებულება

- 3.1. ხელშეკრულების მთლიანი ღირებულება შეადგენს 68 058 (სამოცდარვა ათას ორმოცდათვრამეტი) ლარს.
- 3.2. შესყიდვის ობიექტის ერთეულის ფასი და რაოდენობა განისაზღვრება დანართი 1-ის შესაბამისად.
- 3.3. ხელშეკრულების ღირებულება მოიცავს საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

3.4. საქართველოს საგადასახადო კოდექსის 168-ე მუხლის პირველი ნაწილის „ო“ პუნქტის შესაბამისად ნაბეჭდი წიგნები, პერიოდული გამოცემები და წიგნი-სურათები დღგ-ისაგან გათავისუფლებულია. შესაბამისად სატენდერო წინადადება წარმოდგენილი უნდა იქნას დღგ-ს გარეშე. გამომდინარე აქედან მიმწოდებელი იქნება თუ არა დღგ-ს გადამხდელი, არ ექნება უფლება დააყენოს მოთხოვნა დღგ-ს გადახდაზე.

4. საქონლის მიწოდების ვადა, ადგილი და მიღება-ჩაბარების წესი

- 4.1. შესყიდვის ობიექტის მიწოდების ვადა ხელშეკრულების დადებიდან 30 კალენდარული დღე.
- 4.2. შესყიდვის ობიექტის მიწოდების ადგილია ხელვაჩაურის, ქობულეთის, ქედის, შუახევისა და ხულოს მუნიციპალიტეტების რესურსცენტრები. შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.
- 4.3. შესყიდვის ობიექტის მიღება-ჩაბარებას ახორციელებენ სათანადოდ უფლებამოსილი პირები.
- 4.4. შემსყიდველის მხრიდან მიღება-ჩაბარებაზე უფლებამოსილი წარმომადგენლები არიან ხელშეკრულების შესრულების კონტროლის განმახორციელებელი პირები.
- 4.5. საქონელი ჩაითვლება მიღებულად მხოლოდ ფაქტობრივად მიწოდებული საქონლის დასახელების, რაოდენობისა და ღირებულების მითითებით შედგენილი მიღება-ჩაბარების აქტის გაფორმების შემდეგ.
- 4.6. შემსყიდველმა უნდა შეამოწმოს საქონელი ხელშეკრულების პირობებთან მიმართებაში.
- 4.7. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.
- 4.8. იმ შემთხვევაში, თუ წიგნის რომელიმე ეგზემპლარი მიმწოდებლის მიერ ვერ იქნება მოძიებული სხვადასხვა ობიექტური მიზეზების გამო, აღნიშნულის შესახებ მიმწოდებელმა წერილობით უნდა აცნობოს შემსყიდველს შესაბამისი დასაბუთებით. აღნიშნული მიზეზით დაუშვებელია თანდართულ ფაილში „წიგნების დასახელება, რაოდენობა და ფასები“ მითითებული წიგნების დასახელებების 5%-ზე მეტის (23 სიითი რაოდენობის წიგნი ან მეტი) მიუწოდებლობა. ამასთან თუ საკითხი ეხება 1 დასახელების წიგნს (და არა 1 მწერლის), რომელიც შედგება 2 ან მეტი ნაწილისაგან (და არა ტომისაგან), მაშინ უნდა მოხდეს ორივე ნაწილის მიწოდება ან არცერთის. მიმწოდებლის მიერ წიგნების დასახელებების 5%-ზე მეტის მიუწოდებლობის შემთხვევაში ვალდებულია შესრულებულად არ ჩაითვლება და შემსყიდველის მიერ ხელშეკრულება ცალმხრივად შეწყდება, ხოლო მიმწოდებელს დაეკისრება პირგასამტეხლო ვალდებულების შეუსრულებლობის გამო, რაზედაც მიმწოდებელს პრეტენზია არ ექნება.

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.
- 5.2. ანგარიშსწორება მოხდება უნაღდო ანგარიშსწორებით ლარში, საქონლის მიღებიდან 10 (ათი) საბანკო დღის ვადაში.
- 5.3. მიმწოდებელი ვალდებულია საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.

6. ხელშეკრულების შესრულების კონტროლი

- 6.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 6.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის მინისტრის მოადგილე თეონა ბერიძე, სამინისტროს განათლების დეპარტამენტის უფროსი ნაზიბროლა ბერიძე გაბაიძე, მეორე კატეგორიის უფროსი სპეციალისტები შუანა სურმანიძე, მაია დოლიძე და მადონა ჯაიანი, შესაბამისი რესურსცენტრების უფროსები და შესაბამისი სკოლის დირექტორები.
- 6.3. ხელშეკრულების შესრულების კონტროლი ხორციელდება სისტემატიურად.

- 6.4. შესყიდვის ობიექტის მიღებისა და ან საბოლოო შემოწმების შედეგად გამოვლენილი ნივთის ნაკლის აღმოფხვრას საკუთარი ხარჯით უზრუნველყოფს მიმწოდებელი.
- 6.5. შემსყიდველი ვალდებულია წერილობითი ფორმით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობისა და წუნდების მიზეზების მითითებით.
- 6.6. მიმწოდებელი ვალდებულია შეტყობინების მიღებისთანავე განახორციელოს უხარისხო საქონლის შეცვლა შემსყიდველის მხრიდან რაიმე დამატებითი დანახარჯების გაწევის გარეშე.
- 6.7. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები შესყიდვის ობიექტის დეფექტის გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხისაგან.

7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაევისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0.02 პროცენტის ოდენობით.
- 7.2. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

8. დაუძლეველი ძალა

- 8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.
- 8.2. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

9. ხელშეკრულებაში ცვლილებების შეტანა

- 9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შეწყვეტა

- 10.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:
- ა) თუ მიმწოდებელი არ ასრულებს ან/და არაჯეროვნად ასრულებს ხელშეკრულებით გათვალისწინებულ რომელიმე ვალდებულებას;
 - ბ) თუ მიმწოდებელი არ ახდენს ნაკლისა და ხარვეზების აღმოფხვრას შემსყიდველის მიერ განსაზღვრულ ვადაში;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.

11. სადავო საკითხების გადაწყვეტა

- 11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 11.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

12. სხვა პირობები

- 12.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 12.2. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 12.3. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის აღრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.
- 12.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.
- 12.5. ხელშეკრულების შემადგენელ ნაწილს წარმოადგენს სატენდერო დოკუმენტაციით დამტკიცებული ტექნიკური დოკუმენტაციის პირველი პუნქტით განსაზღვრული პირობები.
- 12.6. ხელშეკრულება ხელმოწერილია, შტამპდასმულია ელექტრონული ფორმით.

13. ხელშეკრულების მოქმედების ვადა

ხელშეკრულება ძალაში შედის მხარეების მიერ ხელშეკრულების ხელმოწერის დღიდან და მოქმედებს 2019 წლის 31 დეკემბრის ჩათვლით.

14. მხარეთა რეკვიზიტები

შემსყიდველი:

აჭარის არ განათლების კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245427667

მინისტრის მოვალეობის შემსრულებელი
ბაგრატ მანველიძე



მიმწოდებელი:

შპს „წიგნის სამყარო“
საქართველო, ქალაქი თბილისი
გლდანი V მიკ 10 კორპ
ს/კ 200126782
სს „საქართველოს ბანკი“
მფო BAGAGE22
ა/ა GE02 BG00 0000 0113 3315 00
დირექტორი
ირაკლი სებისკვერაძე

Irakli
Sebiskver
adze

Digitally signed
by Irakli
Sebiskveradze
Date: 2019.02.15
20:22:20 +04'00'

ქედის მუნიციპალიტეტი - ქედის რესურსცენტრის უფროსი დურმიშხან შავიშვილი,
ტელ: 577304144

მისამართი: დაბა ქედა, კოსტავას №3.

4 ეგზემპლარი (საშუალოდ 450 დასახელების 1800 ცალი), რომელიც განკუთვნილია შემდეგ საჯარო სკოლებზე:

1. სსიპ ქედის მუნიციპალიტეტის სოფელ კვაშტას საჯარო სკოლა;
2. სსიპ ქედის მუნიციპალიტეტის სოფელ მეძიბნის საჯარო სკოლა;
3. სსიპ ქედის მუნიციპალიტეტის სოფელ ორცვის საჯარო სკოლა;

შუახევის მუნიციპალიტეტი - შუახევის რესურსცენტრის უფროსი

ედუარდ გოგრაჭაძე, 577404543

მისამართი: დაბა შუახევი, რუსთაველის №21

4 ეგზემპლარი (საშუალოდ 450 დასახელების 1800 ცალი), რომელიც განკუთვნილია შემდეგ საჯარო სკოლებზე:

1. სსიპ შუახევის მუნიციპალიტეტის სოფელ ოლადაურის საჯარო სკოლა;
2. სსიპ შუახევის მუნიციპალიტეტის სოფელ დღვანის საჯარო სკოლა;
3. სსიპ შუახევის მუნიციპალიტეტის სოფელ ქიძინიძეების საჯარო სკოლა;

ხულოს მუნიციპალიტეტი - ხულოს რესურსცენტრის უფროსი ედუარდ მიქელაძე,

ტელ: 577173709

მისამართი: დაბა ხულო, ტბელ აბუსერიძის №5

4 ეგზემპლარი (საშუალოდ 450 დასახელების 1800 ცალი), რომელიც განკუთვნილია შემდეგ საჯარო სკოლებზე:

1. სსიპ ხულოს მუნიციპალიტეტის სოფელ ტუნაძეების საჯარო სკოლა;
2. სსიპ ხულოს მუნიციპალიტეტის სოფელ კორტოხის საჯარო სკოლა;
3. სსიპ ხულოს მუნიციპალიტეტის სოფელ ბოძაურის საჯარო სკოლა;
- 4.

ხელვაჩაურის მუნიციპალიტეტი - ხელვაჩაურის რესურსცენტრის უფროსი

ნევერესტან დიდმანიძე, ტელ: 577304242

მისამართი: დაბა ხელვაჩაური, დიდაჭარის №23

4 ეგზემპლარი (საშუალოდ 450 დასახელების 1800 ცალი), რომელიც განკუთვნილია შემდეგ საჯარო სკოლებზე:

1. სსიპ ხელვაჩაურის მუნიციპალიტეტის სოფელ ყოროლისთავის საჯარო სკოლა;

2. სსიპ ხელვაჩაურის მუნიციპალიტეტის სოფელ კირნათის საჯარო სკოლა;
3. სსიპ ხელვაჩაურის მუნიციპალიტეტის სოფელ ზედა განთიადის საჯარო სკოლა;

ქობულეთის მუნიციპალიტეტი - ქობულეთის რესურსცენტრის უფროსი

მადონა გოგიტიძე, ტელ: 577304171

მისამართი: ქალაქი ქობულეთი, აღმაშენებლის 99

4 ეგზემპლარი (საშუალოდ 450 დასახელების 1800 ცალი), რომელიც განკუთვნილია შემდეგ საჯარო სკოლებზე:

1. სსიპ ქობულეთის მუნიციპალიტეტის სოფელ წყავროკის საჯარო სკოლა;
2. სსიპ ქობულეთის მუნიციპალიტეტის სოფელ ლელვას N2 საჯარო სკოლა;
3. სსიპ ქობულეთის მუნიციპალიტეტის სოფელ ჯიხანჯურის საჯარო სკოლა;